

四庫全書

經部

欽定四庫全書

周易辨畫卷二十七

潁川連斗山撰

震



震下  
震上

震亨震來虩虩笑言啞啞震驚百里不喪匕鬯

虩許逆切啞烏

客切喪蘇浪切後同  
匕必以切鬯敕亮切

此卦一陽交于二陰之下在天道為一陽之來復在  
人心為善念之乍啓故其名為震其義為動天道動

而發生人心動而作事皆有致亨之理故亨震來以下皆發明震之亨也震與艮相覆艮為止震為起在天為自翕而闢之時在人為由寂之感之會所謂震

來者乃自艮之上來于震之初也

震來二字舊解皆作當震之來時似

含糊不清

人當淵然至靜之中或私欲錮蔽之後忽然一

念發萌即此便是震來人能因此一念便戒慎恐懼

兢兢然不敢過不敢不及

兢兢恐懼貌震之象也

務求合于天

理之當然人心之同然自然仰不愧天俯不忤人浩

然自得笑言之間啞啞而和適也

震為聲音笑言之象啞啞兩口向上

也即或有非常之變如雷霆之震驚百里足以使人

失其所守而以震之長子主之其艮手所執升牲之

匕與降神之鬯自如不以震驚之故而喪失也

震驚百里

以雷言不喪匕鬯以長子言此二句又上二句之象  
匕如今之匙以木為之震之象鬯爵金之酒坎之象  
牲在匕之上酒在鬯蓋誠敬之至天威不能懾猶人  
之中又不喪之象也

恐懼之至事變不能移也此震之所以亨也

彖曰震亨震來虩虩恐致福也笑言啞啞後有則也震

驚百里驚遠而懼邇也出可以守宗廟社稷以為祭主也

卦曰震亨震何以亨也人心由靜之動是為震來于震來而兢兢恐懼則凡心之所發必能默自省察動合天理是恐懼所以致福也震來之後見為笑言于笑言而啞啞和適非放逸也由恐懼之後凡吾身所履皆能循乎天理之當然而有法則也

此即中庸戒懼慎獨發皆

中節震驚百里此卦上下皆震內外皆雷雷聲所及之意

外則驚乎遠

謂外卦

而內則懼乎邇

謂內卦

人无不為其

所懾也而以震之長子當之其出而嗣統也

震為出

彼

互艮之門闕象宗廟邱陵亦象社稷必能于祭祀之

時執七鬯而不喪斯真可守之以為祭主也

此句正解不喪

七鬯非脫文也

夫以天雷之震尚能守之而勿失況吾心之

震詎至于失其所守乎此震之所以亨也

象曰洊雷震君子以恐懼脩省

省悉井切

洊雷震三字宜連讀言非一雷之震乃洊雷之震也

人聞洊雷之震未有不恐懼脩省者君子觀此象不待雷聲之震而即以恐懼于心存天理之本然脩省于念過人欲于將至此君子之心之雷動也

初九震來虩虩後笑言啞啞吉

卦之所以成震者在初四兩爻而兩爻又以初爻為主蓋初為人心之動之始而四則人心之動之繼也人心之動惟初念為最真亦惟初念為宜制過此則難以為力矣初九陽剛得正所謂復以見天地之心

者也當其自艮覆震來于其內于此卽號號然恐懼以持之則必能密察于人心道心之分而危者使之安微者使之著其後凡見之于喜怒哀樂之際者自各中其節而得乎人心之同然豈不可笑言啞啞乎卦之德唯此爻備之不獨其心亨其事亦吉已

象曰震來虩虩恐致福也笑言啞啞後有則也

陽起于陰之窮春回于冬之盡福生于恐之極震來虩虩者不獨生于憂患也人能恐懼不寧必能不遠



復无祗悔是即所以致福也笑言啞啞豈偁規越矩之謂哉循理守度自然身之所行无非先王之法則也

六二震來厲億喪貝躋于九陵勿逐七日得

億於其切下同貝必

類切

初為震來二亦曰震來者以震與艮相覆初自艮而來二亦隨初而來故曰震來也震來何以厲蓋六二柔順中正宜靜不宜動動則變變則不正矣然居震

動之時又不能不動此所以厲也

此文與坤二同

夫危者貴

使平厲何以能免卦中初四互離二居其中鱗次相

對其象如介族之貝

貝者海中介蟲背隆如龜腹下兩開相向形如魚齒卦內互離

為龜二三兩陰排列有似腹齒所以取象為貝非貨財也今動而變剛而所謂貝

者不見是因心發為億以喪其貝矣

人心之動為億中變之象也故

二五皆言億

然貝雖喪而反得與六五相應五在四之上

四互艮為山以九居之九陵之象也二以震足躋其

上

謂二變剛升五也

則剛健中正而危者得平何患于厲乎

顧躋陵可以得中而喪貝未免失正當此之時惟以  
躋陵為急勿以喪貝為憂而復事于逐大約二自三  
四以上應于五五亦由上而初以下應于二不過七  
日之間凡歷七位故曰七日而柔中依然所喪之貝可以復得  
逐何為哉震為馬故曰逐艮為止故曰勿逐七日即七日來復之義得者得此中得此正也

象曰震來厲乘剛也

此乘剛與他卦乘剛不同此言六二柔順中正本无  
可危以乘初九之剛初動而二亦因之而動動則有

不中不正之憂此所以危也舊解以剛來難禦釋之  
非卦旨矣

六三震蘇蘇震行无眚

卦以人心之動立義故諸爻皆貴動而六三以柔居  
剛不中不正尤貴于動蓋動則可變不正以歸于正  
也但六三陰柔不能自動因初之動以為動而三之  
所處去初已遠所為動者不過偶爾之萌蘖而已卦  
中三上互解有草木方蘇之象初五互屯亦有草木

方蘇之象故為震蘇蘇

人死復生曰蘇生物將舒曰蘇解象草木甲拆也象草穿

地未伸皆此蘇字之象

夫改過遷善正宜如雷之奮發今震而

蘇蘇能无膏乎

坎為火膏互坎故有膏

為六三者誠能因此蘇

蘇而鼓其志氣奮其精力震動以行于四

震為足故曰行則

剛柔易位自有如火之始然泉之始達者

三往四下卦成離上

卦互坎

夫何至有蘇蘇不振之膏乎

三變无坎故曰无膏

象曰震蘇蘇位不當也

當得浪切

三與二同附初而動而三獨蘇蘇者以六三柔居剛

位也若知其失而震行焉則易柔為剛而位當矣

九四震遂泥

泥乃計切

此卦上下兩震初九九四各為一卦之主似四與初无以異但初以剛居剛得正而又為震之始其于人心為發念之初而又出于正故初以兢兢而致福四以剛居柔不正而又為震之繼且又介于四陰之間互坎之內震為馬坎為水坤為土水土相交為泥以馬而動于水土之中有陷入于泥而已矣遂者入而

不出之意爻有此象其在人心為陷溺既深欲奮而  
不克自起其凶可知

象曰震遂泥未光也

九四以陽剛介于重陰之間為溝瀆為隱伏

俱坎象  
見說卦

身陷于泥淖而不能出猶心溺于人欲而不能振其  
暗甚矣若下與三易又當二五往來之後豈不成離  
體之光明哉而在此時則未光耳

六五震往來厲億无喪有事

六五以陰居陽位雖不正而處上得中所謂喜怒哀樂之未發者也以當震之時與二相應二以躋九陵而為震往五以七日復而為震來往來之間少有不慎中德喪矣當此際者豈不岌岌乎厲哉雖然厲于心而恐懼益嚴必億于心而脩省益密凡平日戰戰兢兢以有事于中者今自靜而動尤當精以察之一以守之務期允執厥中往无喪而來亦无喪焉无喪而吾心之本體發亦如其未發矣

此文往來二字備解俱欠分明有事



二字或作祭祀之事謂即不喪亡也  
意不知不喪亡也指初非指五也

象曰震往來厲危行也其事在中大无喪也

震之往來而文曰厲者人心易動而難持二往而行  
于五五來而行于二一有不謹此心即逝其行甚危  
故也然其行雖甚危而其事則在中故二與五同一  
中二動而變剛雖不失中已喪其正五動而下柔不  
但不失中反因動而得正是其无喪乃大无喪也厲  
亦何傷哉震為行大謂變剛或  
以大為釋億字非也

上六震索索視矍矍征凶震不于其躬于其鄰无咎婚

媾有言

索桑落切  
矍俱縛切

此卦初上兩爻皆得正初為卦主已備彖辭之理上為卦終亦无可發之義卦中二變易五兩爻已明申其肯唯三四兩爻居位不正爻中未嘗以實詳明而上六又與六三相應故于上爻言三四之當易以終一卦之意言六三以柔居剛于三見為蘇蘇者于終仍見為索索而氣不健因之居大離之中其體不正

視矍矍而見亦不明

索索矍矍皆雷聲震後之象

以不健不明之

資而貿焉以往動必得凶矣若震不于己之躬

三居艮背

有躬之象

而于四之鄰四雖遂泥終屬震主則剛柔易位

各得其正終能轉敗以為功而无咎且不但已得以

无咎而已而所應之婚媾

三四易位上有正應故曰婚媾

亦將有啞

啞之笑言焉而若之何弗震

向以此爻為指上六細推上六併无此義今以

屬六三似合繫傳

卒成之終之旨

象曰震索索中未得也雖凶无咎畏鄰戒也

震索索者以中心未能自得也征雖凶而能无咎者以鄰有遂泥之患畏而戒之也知畏而戒之則必无躁動之失矣 卦中共二十一震字惟震驚百里洊雷震二震字以雷言震行无眚震不于其躬二震字以人之奮興言其餘俱以人心之動言

艮



艮上  
艮下

艮其背不獲其身行其庭不見其人无咎

艮根恨切  
背必内切

艮義為止其象為山此卦兩艮相承取象于人則為

背蓋人身无處不動惟背不動故卦中所言皆于背  
面取象以其有似于山與止也六爻以九三上九為  
主而上九極上能止尤為一卦之主猶震以初九九  
四為主而初九最下能動尤為一卦之主也其謂艮  
其背不獲其身者謂九三也上九反身而立六四乃  
其背處九三于此而止是艮其背也既艮其背則背  
前之身所為口鼻耳目四肢之欲皆无從而獲矣艮手  
為獲在背故不獲六四為身  
爻辭曰艮其身是其証也 其曰行其庭不見其人

者謂上九也震為行艮為門闕內卦為室外卦為庭

三上互離為見二三四五皆為人

二五為三畫卦之人三四為六畫卦

之上九反身向外故行其庭不見其人也既不見其

人則凡人之愛惡攻取亦无從而見矣夫人心之所

以紛紛不靜者以有身與人之見耳今內焉而已見

之不生外焉而人見之不起此心寂然一如山之靜

而不動矣何咎之有

前人謂兩卦如兩人相背而立初看甚善細思之所謂相背者

以上九面向外九三面向內也夫上九向外是矣九三向內則三為背二應為身身在其前何云不獲况

爻辭具在不惟與二四爻辭相  
左并與九三爻辭亦不合也

彖曰艮止也時止則止時行則行動靜不失其時其道  
光明艮其止止其所也上下敵應不相與也是以不獲  
其身行其庭不見其人无咎也

艮卦一陽二陰陽氣上進至三畫而極无可復進故  
艮之義為止然非一于止而已亦顧其時何如耳蓋  
時者當其可之謂如九三時當止則止止固止也上  
九時當行則行

倒震為行互  
震亦為行

行亦止也行為動止為

靜動靜各隨其時而皆不失其當然之理是則止之  
為道下有本體之離為光上有互體之離為明不其

光明而不可掩乎

此釋卦名無以卦象推言其理如諸卦時義大矣哉之類勿牽入卦

辭中卦辭言艮其止者人身惟背為止于背而止是止

其當止之所也能止其當止之所則于凡事凡物至  
善之所在必知之明守之固隨其所處莫不詣乎其  
極而不遷矣卦體内外三爻其下皆陰其上皆陽以  
均敵為相應不以交感為相與有各安其止之義是



以內焉止其所而不獲其身外焉不相與而不見其  
人得以无咎也

象曰兼山艮君子以思不出其位

艮象為山曰兼山者非山上又一山言前一山後一  
山也君子觀兼山之象知後山之止乎前山之內者  
內為其位也吾心之所處即為內吾惟思安吾內而  
嗜欲攻取之不起不出其內之位焉知前山之止乎  
後山之外者外為其位也吾身之所處即為外吾惟

思安吾外而往來酬酢之皆忘不出其外之位焉不出其位則思有所止矣思有所止而吾心之體亦如山之靜而不遷矣

震卦以心之動言此卦以心之靜言

初六艮其趾无咎利永貞

艮與咸皆以人身取象初以陰偶而居最下故均象足其不曰拇而曰趾者趾足跟取其向後也初六當趾位而居艮體故象艮其趾夫趾動物也于易動者而能止似為无咎但初六以柔居剛其位尚不正若

守其不正者以為止咎仍不免矣必也變柔為剛永  
守其正而不遷乃為利耳

象曰艮其趾未失正也

初六居位不正今艮其趾而不動似失其正矣不知  
初之艮趾特不妄動耳趾固能動之物也動則變柔  
為剛甚易其于正究何嘗失哉

六二艮其腓不拯其隨其心不快

腓芳非切  
拯音整

六二柔順中正當止之時居趾之上其體兩開腓之

象為艮其腓

足肚也

是能以中正自守處易動之地而

不動者也然成卦之主在三三止而二乃止是三者

二之所隨也乃二艮其腓而不援乎三三亦艮其限

而不拯乎二

拯上舉也艮手之象

三互坎為心二變兌為悅其

心始快今二不動而三亦不拯是以其心不快也

坎為

心病故不快

向使二非中正而上援乎三三亦必為二所

動而下拯乎二是二動而三亦與之俱動矣可知三

之能艮其背者皆因二之能艮其腓也何也以中正

也

此文不拯其隨二句諸家皆以六二不能拯救九三之失二心不快言不知九三乃艮其背者三既艮其背尚何失之可患而待二之拯乎若不拯而心遂不快是二之心先不能安其所止矣其何以拯人况二方稱腓旋又稱心忽上忽下其位亦亂且心字快字二文并无此象一說離而諸說皆為之不合矣

象曰不拯其隨未退聽也

三之不拯其隨者以三未退于下而聽乎二也

坎為耳痛

故未三未聽二則三之能止可知而二之能止亦可

知矣

三下居二為坎坎為耳是聽二也今三止不動故云未退聽

九三艮其限列其夤厲熏心

夤引真切熏許云切

此卦與震卦相對一以動言一以止言震以初爻為主九四乃當動而不能動者此以上爻為主九三乃當止而不能自然而止者蓋此卦之三即震卦之四也 此爻正發明卦中艮其背之義所謂寅者先儒訓為夾脊骨即背也指六四而言艮為門門有限以隔內外猶人有腰以分上下故謂之限九三重剛得正為下卦之主而界居上下四陰之中有艮其限之象夫限腰也雖在背而實非背也而卦曰艮其背者

蓋脊在腰之上三艮其限則限前夾脊之骨所謂黃  
者儼然如排列于目前是雖未艮其背而已不啻如  
艮其背矣第背為寧謚之所而限在屈伸之間猶三  
正觀之為艮之止互觀之又疑為震之行似靜非靜  
似動非動之地三之居此能不危厲于心如火之薰  
而不安乎下本離體為火二四互坎為心病此薰心之象此欲止而不能自  
然而止者之象也然而三已固守而止之矣

象曰艮其限危熏心也

九三為下卦之主乃艮其背者何至熏心若此以九三在全卦為艮其背在六爻則為艮其限下連二陰似止上連二陰似行以當止之時而介于行止之際故危厲至于如此耳

九三在腰本非心位然木動火生心必不寧是不能時止者與

震之九四  
義正相對

六四艮其身无咎

由趾而腓而限以上則背矣六四居此應曰背而曰身何也蓋人之體自後視之為背自前視之則為身



象所謂不獲其身者此也九三之列其夤既已舉四之背而指其處則六四之所止者可不曰背而曰身矣六四以柔居柔實當其處故象為艮其身夫身乃九三之所不獲者而四反獲之得毋有咎乎非也此之艮其身者即卦之艮其背者也无咎也

象曰艮其身止諸躬也

象傳以止諸躬為艮其身非第換其字面而已蓋人身偃為躬躬即背也六四應為背而爻乃曰身夫子

恐人悞視為背前之身故曰所謂艮其身者乃言身  
偃之躬也即背也即九三所止之處也九三止于背  
之下六四止于背之中揔之一背而已矣

六五艮其輔言有序悔亡

背以上為頸居頸之左右可見者輔也卦五頤五當  
其位故象艮其輔夫輔以出言而言貴有序六五以  
柔居剛中而不正不正則輔之發而為言者必不能  
有序而當理其悔必矣惟相時而動可以止而止者

亦可以行而行

輔乃夾車之木所以為行者故俾五借以為象即象傳中時行之意

上易位則既中且正是惟无言言皆无過不及而合

于中也无偏无黨而得其正也句初至上尚有无序之悔哉夫艮其趾腓與限身此非禮勿動也艮其輔此非禮勿言也言動皆得其止止之道于是盡矣

象曰艮其輔以中正也

六五以柔居剛位本不正而文謂艮其輔言有序者唯其柔剛易位以中正也不然中而不正能必其言

之有序哉

上九敦艮吉


自初至五一身之體已正言動之理已該凡人之所  
當止者无遺義矣上九為一卦之主故于此摠言全  
體艮止之道曰人能于一身之間自趾而腓而限而  
躬而輔无一不得其止則艮止之道已足至此唯有  
敦篤其止使吾身所為艮其趾腓限身與輔者永遠  
得止更无不止之處乃吉也 艮以成終為義故上

九不以人身取象而祇言其成一卦之終觀諸爻皆曰艮其而上獨曰敦艮可知向以上與各爻相對看似非卦旨

象曰敦艮之吉以厚終也

物之易動者以其薄也如築墻然薄則傾厚則固矣山之形其厚為何如況上九居重艮之上山外有山厚而益厚各爻之艮以厚始上九之艮更以厚終始終皆厚是真能安其所止主靜以立人極矣爻許其

吉蓋以此耳



周易辨畫卷二十七

欽定四庫全書

經部

周易辨畫卷三

三十五

詳校官給事中<sub>臣</sub>丁雲錦

通政使司副使<sub>臣</sub>莫瞻菴覆勘

總校官無吉士<sub>臣</sub>倉聖脉

校對官中書<sub>臣</sub>牛稔文

謄錄監生<sub>臣</sub>許紹錦



欽定四庫全書

周易辨畫卷二十八

潁川連斗山撰

漸



艮下  
巽上

漸女歸吉利貞

漸者有序而不驟之意為卦山上有木以漸而長外  
巽內止以漸而進故名漸凡事皆當以漸而女之從  
夫尤宜以漸六禮有一不備即失于歸之義卦中長

女居巽而不欲速就少男居止而不敢徑求得漸進之道士君子之進身亦必如是乃吉六爻自二至五皆得爻位之正唯初上兩爻失位不正故進雖以漸而猶利于貞焉 上卦以四為主下卦以三為主而四實本下卦之坤而升三實本上卦之乾而降虞氏易謂否三之四程傳亦謂乾坤之變為巽艮有男女之象獨曰女歸者此卦與歸妹相覆也

彖曰漸之進也女歸吉也進得位往有功也進以正可

以正邦也其位剛得中也止而異動不窮也

漸與晉象皆言進而漸之進非即晉之進也

之字非衍文或

改之為漸尤非

乃言人之進不可迫當如女子之歸以漸而

進始吉也

此二句合卦辭以釋卦之名義宜連讀至女歸二字不過因卦有異女艮男之象而

及之其實艮男異女原非艮配于漸之義无取也觀傳中不釋可知下八句皆釋利貞之義進得位四句

釋六四及初六其位四句釋九三及上九

此卦由否卦三四相交而成其

在于否三爻本不得位也今進而居四以柔處柔進

得其位矣小畜之六四曰柔得位渙卦之六四亦曰

柔得位皆此位也既得其位則往而承五五多功四亦有功也且四之進所謂得位有功者豈徒有虛名已哉其所進蓋以正也正已即可以正人如初六之不正而在坤邦者皆可因已之正以正之也此初之利貞也三往居四則四來居三往者之位固以柔而得正來者之位亦未嘗不以剛而得中也乾之九三曰中不在人益之六三曰有孚中行皆此中也顧三雖得中而所應不正疑于不動而窮則奈何然以卦

德之止而巽推之則艮之止可反為震之動動則此

往彼來自不至于窮也此上九之利貞也

此傳向來糾纏女歸

固非卦旨即以進得位四句為通指中四爻剛得中為單指九五末句為所以能漸之故皆覺文義不貫

今悉照爻義分疏如此詳見各爻中

象曰山上有木漸君子以居賢德善俗

層累而上者山也次第而長者山上之木也艮山之  
上異木生之漸之象也君子觀象知已之德必抵于  
賢人之域而後安民之俗必臻于美善之地而後至

而要不可以驟幾也于是存諸心者務寬以居之

良為

居致知力行日就月將如登山之躋于九仞其德乃

賢人之德矣至于施諸人者務本其所居者以及之

興養立教優游漸漬如和風之被于四海其俗乃美

善之俗矣二者皆以漸而致之也

良體薦實故以之居德異為申命故

以之善俗

初六鴻漸于干小子厲有言无咎

鴻水宿之鳥雁之大者去來有時行止有序得漸之

道故六爻皆取以為象

互離為飛鳥居互坎之上故象鴻

初六當漸

之始居艮山之足坎水之濱若所謂河之干者以鴻而漸于此非其所矣況以少男小子居位不當上无應援當此離矢坎弓之際能不為之危厲乎然艮其止而有厲反之則震以動而有言

震為聲音卦互艮口聲出順中故為

有言若因其言以通于四則陰陽相應將象所謂進以

正可以正邦者義已著于此雖漸于干而亦何咎矣

艮反為震二四成坤為邦初爻得正與四相應故曰可以正邦

象曰小子之厲義无咎也

小子既有厲矣爰何以許其无咎亦揆之于義耳蓋上下相應義也因其厲而反艮為震適得相應之義故无咎也

六二鴻漸于磐飲食衎衎吉

衎苦旦切

六二柔順中正上應九五之陽剛中正宜進而與之相合矣但時當以漸豈可躁進以求合彼艮山之半有所謂平石之磐者

艮已反震化艮山為坤地故象山之磐

寧可以暫



漸于此焉夫磐非鴻之所居然既漸于此可以飲甘

泉而樂飢者

二四互坎為水

亦可食反稼以自充

艮反震于稼為反生

其衍衍然而含頤自得也

艮反震初五互頤故曰飲食衍衍行喜貌

雖有

九五之應舉无足以動其心此真能相時而進得漸

之道者吉可知也

向來泥于小象不素飽三字以為二乃君臣相得食樣自如主在位

者說與漸義有碍并與後婦三歲不孚不相合

象曰飲食衍衍不素飽也

二之飲食衍衍或近于島蹈自守者之所為不知其

飲食燕樂乃待時而進非甘藜養以自肥也

九三鴻漸于陸夫征不復婦孕不育凶利禦寇

復扶又切孕以

證切

此卦以三四兩爻交易而成而四進能漸獨為卦之

主九三自上而下離乾四而居坤三是下有平地之

陸而鴻漸之也

陸坤地之象

夫漸陸三亦為得位然以漸

陸之故而艮止不動以致初四上九皆以无應而失

正則其凶大矣蓋九三在四本初六之夫也今以離

兵坎馮征下土之坤而不得復

離為兵坎為馬艮手執兵乘馬有征之象

以艮止故曰不復

是使初之无應而不能正者三之罪也六

四在三本上九之婦也今以九入坤腹成少男之孕

而不能育是使上之无應而不得正者亦三之罪也

坤為腹九入腹中成少男孕之象也反艮為震仍是坤腹不育之象也

以漸陸而諸爻

皆不得位其凶必矣惟艮覆為震以禦九三之寇則

各爻有應皆可因應以求正此則其所利者也為九

三者可安于止而不動哉

坎為盜寇之象艮反震坎象不見禦寇之象此即動

不窮  
之意

象曰夫征不復離羣醜也婦孕不育失其道也利用禦

寇順相保也

離力  
智切

醜類也三本上卦之乾四本下卦之坤各以其羣為  
類今三以夫征而不返是離其同羣之醜也道路也  
三四未易初四三上往來相應原有其道今以坤婦  
而成艮孕是失其常行之道也利用禦寇者三在坎  
中諸爻皆不得位是三為諸爻之寇也若反艮為震

以禦之則二三四成坤以順相應得以其保也

順相保確

豈復有寇之為患哉

六四鴻漸于木或得其桷无咎

桷音角

此爻正彖傳所謂得位得正有功而正邦者也蓋此爻一進初三兩爻皆須之正所以謂之有功謂之正邦六四由三而進得位得正離順體而入巽體巽為木有漸于木之象夫鴻水鳥也利于水而不利於陸况于木乎鴻而漸此不安甚矣然木上有枝之高者

下亦有柯之平而特患其不能得之耳

鴻爪不能握木平處可以

立自今艮反為震初非其平穩之桶乎

震為木以在下故曰桶茲

何幸初與四應而竟于无心中得之既得其桶則不

漸于此而或漸于彼不安而未始不安也故无咎

象曰或得其桶順以異也

或得其桶者以九三下居初六中三爻成順四爻為

異順則進不忤異則進不驟也

如此方是順以異

九五鴻漸于陵婦三歲不孕終莫之勝吉

勝音升

艮反為震五居艮山之上是上有陵而鴻漸之也其  
居既高其下又有應宜即與之相合矣无如時在于  
漸二方以飲食衎衎者不急于求五如女子之守貞  
不許嫁以從人故五雖有正應之婦而志密形踈經  
二三四三爻如三歲之久不能會合而成孕艮反震  
二三四  
互成坤腹腹中  
无陽故曰不孕然中正相應自有其時但未至于終  
耳若至于終則上三相應坤腹自成坎男于此而莫  
之勝者豈于終尚莫之勝哉其進如此其吉宜矣諸家

皆以二五為三四所隔立解竊意此與同人不同  
彼取與人相同此言進必以漸不當以此例彼

象曰終莫之勝吉得所願也

六爻皆正五所願也終莫之勝則上降之三六爻正  
而成既濟得其所願故吉也

上九鴻漸于陸其羽可用為儀吉

此爻即彖傳止而巽動不窮之意上九以剛居柔處  
位不正又以窮極之地下无應與非能漸者也以九  
三反艮止為震動上之无應者反因動而有應上之



窮極者反因動而不窮而上九又以巽極而退漸極

而返下有九三之陸而處之是鴻不漸于上而反漸

于下也

此卦以漸為名皆取進而不驟之意故諸爻皆以不進為吉此爻陸字仍當作九三之陸

若作遼字解則與卦義相左不但有改經之嫌而已

夫于下則上以剛來居于

三三自以柔往于上六爻各正剛柔相維燦然成章

不猶如鴻之肅肅其羽可用為旌旄之儀節乎占者

得此其吉可知矣

初三易位成坤坤為平陸故謂三為陸三應于上則上亦應三三上

易位六爻皆正肅然整齊故曰可用為儀

象曰其羽可用為儀吉不可亂也

其羽可用為儀吉者上下處三六爻皆正自初而上陰陽相雜不可紊亂猶鴻之羽旄用為儀仗肅然整齊故吉也 上居卦終故以此句總言六爻

歸妹



兌下  
震上

歸妹征凶无攸利

此卦向以漸言女歸此言歸妹見所歸者在妹也以少女從長男又為以悅而動是女子情勝而不計匹

偶之宜者故征凶无攸利若然則歸妹以為歸在妹  
將以女歸為歸不在女乎以少女從長男為非將以  
長女從少男為是乎以此之女悅男為私將以咸之  
女悅男為公乎是皆泥于征凶无攸利之辭故將卦  
名者壞竊以此卦與漸卦相覆漸卦巽女在外此卦  
兌女在內女子內夫家而外父母家故在外則言女  
歸在內則言歸妹妹者對漸之長女而言見此之所  
歸者乃彼卦之妹云爾

漸為長女  
此為少女

豈長兄之歸其妹

哉故此卦六爻皆言歸妹无兄歸其妹之辭然而漸  
則女歸吉利貞此則征凶无攸利者非女歸與歸妹  
有殊也卦之所云不過一正一反之辭猶言女子之  
歸以漸則吉以征則凶以貞則利不貞則无攸利豈  
以歸妹遂凶遂无所利乎觀彖傳自知

彖曰歸妹天地之大義也天地不交而萬物不興歸妹  
人之終始也說以動所歸妹也征凶位不當也无攸利

柔乘剛也

說音悅當  
得浪切

他卦皆先釋卦名而後釋卦辭此獨變文者聖人因卦辭有征凶无攸利恐人悞視歸妹為不善故先明歸妹之所闕為至重以曉之言卦名歸妹乃天地之大義也蓋天地以相交而成泰在泰之六五曰帝乙歸妹以其三五互震二四互兌震與兌合具有歸妹之象也是歸妹者原因三四之相交而成故乾索于坤而為長中少之三男坤索于乾而為長中少之三女而萬物皆由此興設使天地不交而萬物不興矣

歸妹三四兩爻為人位四交于三為三索之少女是

人之終

六索至此而畢故曰終

三交于四為一索之長男是人

之始

六索從此而起故曰始

人之終始皆具于天地交泰之中

非天地之大義而何而況大義原于天地至情又本

乎人心卦德內兌為悅外震為動由悅以動此桃夭

之篇所為有之子于歸之咏也此所謂歸妹也而卦

曰征凶者漸則進得位而往有功征則剛柔反而位

不當也无攸利者漸之剛皆乘乎柔之上此之柔皆

乘乎剛之上也卦之體與漸皆相反故卦之辭與漸亦皆相反非歸妹之過也

象曰澤上有雷歸妹君子以永終知敝

敝婢世切

澤中有雷雷隨乎澤也澤上有雷澤從乎雷矣此以陰附陽之象即歸妹之象也君子觀此象而知人事之有敝壞者皆由于人之不思其終者也于是以天地交泰之永終而知其三四交易之敝焉蓋天地相交永終之道也三四相易為敝之端也

三往居四變為兌毀敝之

也象深知乎此則于天下之事尚有蹈其敝而不可以終者哉

初九歸妹以娣跛能履征吉

娣大計切  
跛波我切

此卦與漸卦反對漸卦以艮覆震取義此卦亦以兌反巽取義言卦之所謂征凶者以三之所處不當也夫處既不當豈終不可以征乎非也歸妹乃天地之大義人道之終始豈不可征是在乎一反之間耳蓋兌與巽相覆正視之為兌反對之即為巽禮諸侯一



娶九女在上為嫡在下皆為娣三反乎上而居于下  
是歸妹而以娣也第初為足位以經兌毀于足為跛  
跛似不可言履然居初應震震為足足固能履者故  
雖跛也而又有能履之象焉誠若是則向之于征見  
凶者今之于征尚至于凶乎吾知其吉也必矣

以六  
居初

上應九四初四易位  
為征各得正位故吉

象曰歸妹以娣以恒也跛能履吉相承也

兌反為巽是為雷風恒乃夫婦之常道也

長男長女  
故為恒

歸妹以娣正以夫婦之常道自處非有他也足毀為跛本不能履而乃云吉者以初上應上六三下應九四乃陰陽相承之正理所以吉也

九二眇能視利幽人之貞

眇彌小切

此爻因初爻取象而類及之初為震位故取象于足

二為離位

下卦本為離

故取象于目九二以剛居柔中而

不正又處毀折之地

兌為毀折

如人之目本明也而今則

眇矣然互離應五雖眇也而又能視焉二有此象是

豈若卦辭所云一无所利乎夫兌為刑獄有幽象焉  
二在中位有人象焉二五相應有貞象焉是幽人之  
貞也為九二計以幽人之貞自處以待其時而後正  
是則其所利者也

向以此爻為賢女而配不良以二為賢女或可以五為不良可乎即

如所云亦與象无取

象曰利幽人之貞未變常也

兌反為巽乃夫婦之常

即雷風恒卦

今利幽人之貞二五

未易位在此時于常尚未嘗變也

六三歸妹以須反歸以娣

須字有作等待之義者有作賤妾之稱者按三為兌  
悅之主豈能待者若能待則為女歸之吉矣陽貴陰  
賤理亦有之然何以處五況三居下卦之上亦不可  
以賤稱竊意須有需義如賁其須之須蓋六三為成  
卦之主以陰居陽以柔乘剛正卦所謂征凶无攸利  
者以此為妹而歸其情必然以悅而動如目須于色  
耳須于聲而彼乃以妹須歸也以是而征其凶必矣

為六三計與其往而見凶不若反而求吉蓋兌巽相反兌之上即巽之初若使不居三而居初如嫁者之不為君而為娣則以陰從陽得于歸之正矣初爻之所云以娣者正謂此耳

象曰歸妹以須未當也

當得浪切

男女以正婚姻以時豈可以須今歸妹而以須大失乎女歸之貞理之未當皆由其位之未當也若反而居娣則无此失矣

九四歸妹愆期遲歸有時

愆起  
廢切

期婚期時亦婚時卦中互離為日互坎為月皆期與  
時之象又震為春卦自泰來正月之間亦桃李泮  
之候也以理言之正婚姻之期于歸之時而乃曰愆  
與遲者以三四兩爻自泰交易皆失位不正而三又  
以悅四又以動皆非歸妹之禮使三須而四亦須之  
則三凶而四亦何利焉今三既不為征而為反求諸  
離日則已變

四互離三  
下則无離

求諸坎月則已更

四互坎三  
下則无坎

雷風並作

上為雷三  
下為風

求諸桃夭冰泮而亦竟何有益

其期為已過矣愆矣然愆期非不歸也三反居初與  
四正應特少遲耳若四下應初陰陽得配又何嘗无  
于歸之時哉

象曰愆期之志有待而行也

三四互易成卦三悅四動宜乎三須而四亦須乃至

于愆期者四之志

四互坎志  
之象也

盖欲待三自上而下與

已正應而後行

體震為足  
行之象

故寧愆其期而不顧也

六五帝乙歸妹其君之袂不如其娣之袂良月幾望吉

袂彌  
世切

此爻向以五二相應尚德而不尚飾為陰德之極盛  
以此說理更何以加第按諸全卦之象多不相合蓋  
天地交泰以二五之剛柔相交也彼互得歸妹尚宜  
相交況此已成歸妹反不宜相交乎故六五之辭與  
泰五无異焉獨是通卦皆妹皆未及乎歸妹者而此  
云帝乙豈以帝乙為歸者乎非也昔在商王曾有歸



妹一事爻不過借此以為言耳非以帝乙為歸妹更  
非以六五即帝乙也如以六五為帝乙則所謂妹者  
又為誰蓋合兩卦而論自以六三為歸妹而分六爻  
而論則除初上兩爻中四爻皆為歸妹也六五正泰  
之所謂帝乙歸妹者然以陰處陽以柔乘剛與六三  
无以異且六五居尊而上亢君也六三反歸而下巽  
娣也以衣袂之相牽而進者論之五之袂殆不如三  
袂之良也何也乾為衣兌為口衣之有口袂之象也

三反為巽則二三四成乾五以互兌之口向上有動之象初以倒兌之口向下有靜之象歸妹貴靜而不貴動此五袂似不如三袂之良也然而六五柔中居尊下與九二之剛中相應坎月離日

上卦本坎下卦本離

合璧

在中上震下兌東西相對有如望然若能斂其陰德抑然善下如月之幾望而不敢以自滿則剛柔相應終得于歸之吉袂之不良奚患焉

以上五爻皆與卦辭相反所以開遷

善之門上一爻乃正言卦辭之義

象曰帝乙歸妹不如其娣之袂良也其位在中以貴行也

不言其君而曰帝乙歸妹見帝乙歸妹者即其君也  
言帝乙歸妹不如其娣之袂良也以其居位在中以  
上之貴而行于下有似乎上動而下靜豈真不如哉

居尊故曰貴  
震足故曰行

上六女承筐无實士刲羊无血无攸利

筐曲亡切  
刲若圭切

上六居一卦之終故統言一卦之義但他卦多言剛

柔已變之後此卦獨言剛柔未變之先所以明卦辭  
反言之旨也大象傳所謂以永終知敝者亦見于此  
卦至上六卦已終矣上下之體定矣蓋惟其上下无  
常剛柔相易故至此若以其本體觀之則其敝殊甚

如內卦為兌是女也所仰而承之者筐也

震為仰盂  
為簍簾竹

有筐  
象

夫筐亦期于有實耳乃一觀于筐而下奇上耦

并无實也

震上二畫為陰  
虛故无實也

外卦為震是士也

震為長  
男故曰

士所剗而割之者羊也

兌為羊又為  
金故曰剗

夫羊亦貴乎有

血耳乃一觀于羊而坎血離乾

坎為血卦  
離為乾卦

並無血也

筐无實女何以為薦羊无血士何以為祭薦祭皆无  
尚得成其為歸妹乎卦所謂无攸利者意蓋如此然  
亦誰為為之而敝乃至此哉

象曰上六无實承虛筐也

上六卦之終也歸妹至于終而筐竟无實是其所承  
者為虛筐也其无蘋蘩之薦可知其无廟見之禮更  
可知此所以无攸利也

卦義重在女  
故單釋此句

周易辨畫卷二十八

欽定四庫全書

周易辨畫卷二十九

潁川連斗山撰

豐



離下  
震上

豐亨王假之勿憂宜日中

假庚  
白切

舊解說理自无以加若徵之卦象于何稱王于何云  
憂更于何見其宜日中皆未得確然有據卦象不明  
則卦爻不清卦爻不清則卦辭俱錯此易之為書所

以必先明象也此卦離下震上中互成巽離為電震為雷巽為風三者並作聲光赫奕有盛大之象又帝出乎震齊乎巽相見乎離萬物發榮滋長亦有盛大之象故為豐豐則鬱塞解幽暗昌未有不通者故亨然是豐亨也孰能至之哉卦中位五者君也出震者帝也則皆王也本以居五而下于四故明動交資至于此豐至于此亨也

假訓至又訓大從至為是

然而卦中初二三

上位皆正唯四與五不正以不正而當此豐亨又互



以加憂之長坎不能不于盈中憂虧滿中憂損況離  
日墜于兌西又有將傾之象乎而勿憂也豐之所以  
可憂者以九五降四在上之離光暫隱下有遺照耳

若四進居五各得正位俾離日懸于中天

五進居四  
離日在中

故云日中則東西朔南无非其光明之所被而又何憂哉

然則處豐者非不宜憂所宜者此耳

彖曰豐大也明以動故豐王假之尚大也勿憂宜日中  
宜照天下也日中則昃月盈則食天地盈虛與時消息

而況于人乎況于鬼神乎

鬼之額切  
食如字

卦名豐者豐之為義即大也震上離下非有大義以

震德主動離德為明本其明以察事之理即本其動

以赴事之幾有盛德必有大業故豐也豐則亨不待

言矣王假之者卦體由九五而降為九四其以剛上

下所尚者大

陽為大

故內而形著明之積者愈光外而

動變化之發者彌盛也藉非所尚之大烏能豐亨若

此勿憂宜日中者日在中天則明无不至日落西隅

互兌為西離日在下故曰落西隅

則明必不周人君之心亦然故謂

其勿事徒憂宜以憂盛危明之情深持盈保泰之戒

如日之方中以照于天下

五為天四進五為離為日故曰照天下也

使豐

者常豐而後已焉蓋五未降四互體之離日本中也

今以坎陷而至于巽五既降四長體之坎月本盈也

今以兌口而至于食是何也天地造化之理其盈虛

每與時為消息時乎息必至于盈時乎消必至于虛

此天地之所不能外也況人為天地所生鬼神為天

地所用者乎

四五皆人位陽為神陰為鬼

此所以欲保其豐不可

不宜如日中也

象曰雷電皆至豐君子以折獄致刑

折之舌切

震為雷離為電曰雷而不曰日者電與雷相需也故

曰皆至皆至故豐也君子觀象知天下之最大者莫

如獄與刑獄不折則曲直不辨刑不致則奸慝不除

于是法離之明以折獄使斯人无遁情因而法震之

威以致刑使巨惡无倖免則民不枉而姦不作豐可

常保矣

上互兌下倒兌兩口相背獄之象兌為毀折故曰折坎為法律故曰刑震為動故曰致

初九遇其配主雖旬无咎往有尚

此卦乃因四五兩爻不正起義以夫子初擬卒成之  
例觀之則初爻乃統論四五兩爻也言九四在五本  
屬坎體六五在四原有離象一為中女一為中男所  
謂配也乃九本在五反退而居四六本在四反進而  
居五雖若賓主倒置然者而其實相配之主如故也  
今以不期而與之遇

凡易中遇字皆以上下相比比言則九可進而居

五六可退而居四矣夫豐之時所貴者日中也兩爻  
相易上有一日下又有一日不疑于兩日雙懸有旬  
而均敵之嫌乎非也蓋日之為明有體必有用其在  
天之日乃日之體其在地之日乃日之用雖勢若均  
敵而非有咎也為九四者果能奮然一往俾六爻各  
正則水火既濟有尚主之功

四進居五下應  
六二故曰尚主

又何豐

之足慮哉初為一卦之首故擬其大義有如此

諸家  
皆謂

初四相遇明動相資但卦義以明為主即卦德曰明  
以動亦謂由明而動非明自明而動自動也觀彖辭

宜日中可知配者陰陽相合之義初四皆陽何配之  
有旬字義傳皆訓為均敵胡氏炳文則訓為十日雖  
據納甲離納巳震納庚巳庚相循確是十日  
然亦苦無意義至往有尚則直全无依據矣

象曰雖旬无咎過旬災也

過高富切

兩日相照似疑于有咎不知上離為日下離為日之

光

未濟君子之光亦如此

正其照于天下處何咎之有唯于均

敵之時而少過焉則日中而昃災斯生矣

按旬訓均亦訓日諸

家偏據一義今兩義兼用災離火之象即昃也

六二豐其蔀日中見斗往得疑疾有孚發若吉

蔀普戶切

六二柔順中正離體本明但以明而在地則其所明者特日之光而已无如有互離之日忽以震體之一剛塞乎其内其本既失斯其光亦昏當此之時更

何豐哉所豐者坎之叢棘巽之茅草其部而已耳

向訓

部為障蔽謂大其障蔽之意于義誠然但以豐其家較之覺文律不協看來仍作草名解方合是雖

日之方中離目可見而所見者不為離之日而為震

之斗蓋日有食之大星著現亦往往然也

或曰斗量名震之仰

孟似之故借以象北斗之星

夫在天之日與在地之日本相依今



以震掩而至于見斗二猶以相依者欲往而相濟吾

知其往必无得徒得其狐疑之疾而終難信也

坎為狐疑

又為心病故曰疑疾言狐疑之疾也

然而四音在五本自有孚若俟其

震發為坎則兩離相照依然成日中之世而吉矣往

又何傷哉

象曰有孚發若信以發志也

爻謂有孚發若者以九四在五本體中實信其所固  
有志其所素裕今居震能動乃由信以發其志進而

處尊也

向以六二之孚發六五之志不知易中凡口言孚言志皆謂坎體陽爻離无孚无志也如

此則二五相應光照天下矣故吉

九三豐其沛日中見沬折其右肱无咎

沛音貝切沬音妹

二三同蔽于九四之下而三與四尤近所蔽尤深以

此當豐之時亦何所有所豐者特其兌澤中之沛焉

耳

沛澤中有草之地三五互兌為澤震以蕃鮮生于其內即孟子所謂沛澤多也當斯時也

不但見斗雖以如沬之小星亦見之蓋二陰在震之

後猶小星在斗杓之後也

沬水中白泡其象最繁故因沛澤取之以比小星

夫三為離明之極所恃以照下者以五下居四得日中之體耳今以最切于三者而居于兌毀之位不有如人之折其右肱乎

二四互巽偶在下為股三五互兌偶在上故為肱兌又居右故

云右肱

然四實為之于三何咎

象曰豐其沛不可大事也折其右肱終不可用也

人之可以作事者唯其明也今三為四蔽而至于豐其沛明之體失矣尚可以作大事乎人之賴以有用者右肱也今五為三肱而至于折其右動之用廢矣

尚望終能有用乎因不能明以致不能動皆于三无與也

九四豐其蔀日中見斗遇其夷主吉

九四離五下四中天之日全掩二三之光俱消故二  
三之象與此爻之象无以異乃二曰蔀而三曰沛二  
曰斗而三曰沫何也蓋二四同功互異為茅故曰蔀  
四剛故曰斗三五同功互兌為澤故曰沛五柔故曰  
沫因畫異象而其實為四所蔽則一也故周公為繫

之辭曰二之辭不云乎豐其蔀日中見斗豈二之離  
明有然哉夫亦謂彼所云豐者豐在此彼所云見者  
見亦在此耳然九四實抱陽剛之德具能動之才者  
也當其在五時九為主而六為客及今居四時六為  
主而九為客是等夷之主也四若一往而過之以我  
之剛易彼之柔即以彼之明開我之闇依然是日中  
之世而吉矣四何憚而不過也

象曰豐其蔀位不當也日中見斗幽不明也過其夷主

吉

句行也

常得  
浪切

二四同象夫子不釋于彼而釋于此者見二之所云  
乃九四也蓋四之豐蔀由于位不當則二之豐蔀非  
二明矣四之見斗由于幽不明則二之見斗非二益  
明矣然四遇其夷主而反得吉者以四有震足可以  
上行也上行則四五易位即是日中之世而二豈能  
然哉是以吉也

六五來章有慶譽吉

此爻向以來章為招來在下之章夫二陰不相應將  
招來六二之章乎抑招來九三之章乎徵諸全卦殊  
少關會竊謂此卦以四五起義此來字乃對九四行  
字而言四行而至五五來而至四此行彼來所以為  
遇彖辭之所謂宜日中者正在于此蓋卦中四五兩  
爻失位不正不正則日中而昃照臨不逮文明之世  
變為昏闇之域矣今九四既以剛行而往五則六五  
亦宜以柔來而歸四四五易位互離為日豈不章于

天中乎

傳曰分陰分陽迭用柔剛故易六位而成章此章字正四五交易之象

夫豐亨

之時特惠明之不周耳若來章則上下四表皆在其

光被之中不獨功成既濟而有慶抑且君得臣應而

有譽矣吉何如之

慶以六爻當位言謂成既濟也譽以二五相應言謂二多譽也

象曰六五之吉有慶也

六五以柔居剛其位不正何吉之有爻顧云吉者以

六來居四成日中之章正君臣之位有慶也

上六豐其屋蔀其家闕其戶闕其无人三歲不覿凶

闕告



規切關  
苦鵬切

上六居卦之終亦統言一卦之義但初爻以四五相  
易言此爻以四五不易言卦中自三至上似乎大壯  
大壯上棟下宇有屋之象自初至四似乎家人家人  
位內位外有家之象有屋有家則必有戶有人以今  
觀之卦名曰豐何豐乎歸然而上峙者其屋焉耳夫  
上棟下宇豈不可以蔽風雨而无如觀乎其家異之  
茅與坎之叢棘震之蕃鮮幾于充滿其中焉屋雖豐

其如其家之藪何然使或有居人猶可安享其豐也

乃以離目闕離戶

謂六二

而六處五位內外弗應一似

闕靜無人者

謂六五

且不但一時而已雖自二至五歷

三歲之久卒為四所隔而不得以覲面凶何如也

謂二

五失應向非四五不正何以至此此卦所以曰宜日中

也

象曰豐其屋天際翔也闕其戶闕其無人自藏也

上二為天又似大壯又似小過之飛鳥以飛鳥翔于

天上而屋實並之所以為豐既豐其屋豈其无人乃  
闕之而竟无者非果无也以九本居五與二相應自  
隱伏于大坎之中

坎為  
隱伏

藏而不出耳

旅



艮下  
離上

旅小亨旅貞吉

旅力  
舉切

卦名旅者羈旅也人在外為旅人在外所居為旅舍  
此卦外離為火其性上行旅人之象也內艮為山其  
體下止旅舍之象也

楊氏萬里曰山內火外內為主  
外為客山止不動猶館舍火動

不止猶火不能无所麗而自立猶不能无所寓而行人

自處今火得山以為麗猶人得舍以為止也況上離為日互兌為西下艮為山日落西山又旅人投宿旅舍之時乎故為旅獨是人之為旅與舍之為旅正有難焉者蓋旅為去故土而適異鄉親者已失其為親故者已失其為故苟非處之有道未可以一往而无阻也必也和順謙恭一出以柔而不亢夫然後東西南北唯其所之而无不通上卦三爻皆旅人而六五

一柔獨得旅人之道卦所以曰小亨吾聞觀遠臣以  
其所主觀近臣以其所為主主者旅舍之謂也使旅  
舍而人有所不端地有所不善則我固不可以主人  
而人亦誰肯為我所主是必人地皆宜堪以為人所  
寄托夫然後唯其所主而無不安下卦三爻皆旅舍  
而六二一爻獨得旅舍之正卦所曰貞吉

兩旅字對  
言一屬人

一屬舍小謂六五貞謂六  
二上旅字宜連小亨讀

彖曰旅小亨柔得中乎外而順乎剛止而麗乎明是以

小亨旅貞吉也旅之時義大矣哉

此卦與賁相錯賁上為艮止下為離明抱其文明以  
來于內故為賁攜其文明以出于外故為旅旅小亨  
者人之為旅宜于柔而不宜于剛剛則必取辱又宜  
于順而不宜于亢亢則必招禍今卦體六五以柔處  
于外而能得乎中而于上九之剛又順從之而无忤  
是真能卑以自牧者安有處之而不通者乎至旅舍  
之為道亦有未可輕者蓋舍者止也亦麗也人不明

于所麗固不如良禽之擇木麗不于其所明亦反為  
所因之失親今卦德內艮止而外離明是止而能麗  
乎明也在旅人得之為安宅在旅舍處之為端人矣  
此卦所以既曰小亨而又曰旅貞吉也夫旅亦事之  
小者耳然亦必小而後亨貞而後吉旅之時其義不  
誠大矣哉錢氏一本曰難處者旅之時難盡者旅之  
義二語備之

象曰山上有火旅君子以明慎用刑而不留獄

山止而不遷火行而不處山如旅舍火如旅人山上  
有火過而不留如旅人之于旅舍過而不留也故為  
旅君子觀象知獄之拘繫罪人其道亦猶是于是法  
離之明以為明法良之止以為慎合明與慎以用刑  
既无出入之失亦無輕率之弊斯其獄亦如旅之次  
即之者暫過之者遷矣

噬嗑與賁豐與旅皆以離明取義而賁曰无敢

旅曰不留者彼以動此以止也

初六旅瑣瑣斯其所取災

瑣悉果切



艮為門闕初六以陰柔不正處于最下乃旅舍之卑

猥已甚者有瑣瑣纖細之象

艮為少男為小石又以陰處下皆瑣瑣之象

以此上應九四四以離明之體下而應之豈能安其

所處必有離火之災

四本火體下應又成火體旅而有火所以曰災是災也

豈四為之哉斯其所有以招之不啻艮之手自為取

之也

所非虛字即旅舍也詩曰獻于公所是也陸氏來氏俱作斯其所以取災以字既屬添設所字

亦覺糗糊至改斯作斯

以為賤役尤可不必

象曰旅瑣瑣志窮災也

旅瑣瑣原非有災因初與四應四以火體而互長坎  
坎志窮滿之極下應于初又成火象此旅之所以  
取災也

六二旅即次懷其資得童僕

句貞

即就也次舍也懷藏也資財也童僕賤役也艮為門  
闕六二在艮之中而得正旅舍之至善者也九五下

與為應

此九五以射雉之後言

即其次而宿之有互巽之隱

巽為

隱必能藏其貨財而不失有艮初之男

艮為少男

必能得

其役使而可賴

次艮之象艮為居也資巽之象巽凡近利也童僕亦艮之象艮少男也

此者皆旅之貞也而二咸備之吉可知矣此文正發

明旅貞吉之義

此卦唯二三兩爻為得正故兩爻皆有貞字而九三重剛與旅不宜故加

厲字以別之見能貞者之唯此爻也向以得童僕貞連讀以貞屬童僕與卦不合

象曰得童僕貞終无尤也

三者皆旅人之所賴而獨舉童僕者蓋旅為親寡之時旅而不得童僕雖有安宅誰與為偕雖有貨財誰與為守此旅之所以不貞而過尤之所以易起也今

處旅而得其童僕即此已為得正况又二者之備美乎不獨當此柔中相與可以无尤即至于終五上易位以剛相應亦无尤也斯真得旅貞之吉者哉

九三旅焚其次喪其童僕貞厲

艮為門闕九三居其最上乃旅舍之至高者也唯其至高故上與離近離以炎上之火燃于艮宮之上而上九之火又下與相應安得不焚故有焚其次之象顧身雖失其所安或左右之役尚有可恃亦不至落

漠无與乃初以童僕遠不相顧而又以瑣瑣之故為  
四所災遂至艮男變為離女童僕俱喪則當此親寡  
之時所賴以任使者又失矣雖以剛居剛其位未嘗  
不正然亦岌岌乎殆哉

象曰旅焚其次亦以傷矣以旅與下其義喪也

上以與  
已通

旅之所恃以安者次也次而遭離火之焚已足傷矣  
若以寬柔待物猶可得左右之輔乃復剛愎任性絕  
无顧惜是直以旅人與下

下謂初

其義先喪也彼童僕

亦人情耳奚而不喪

九四旅于處得其資斧我心不快

上三爻皆旅人而九四下與初應是旅行而獨有棲  
息之所也夫餽糧咸揚乃旅行者所有事而四于偶  
爾托足之地互異有三倍之利以為用變離有戈兵  
之備以自防其象如于處而得其資又得其斧也  
處即  
初之所四初易  
位故得之如此夫九四以陽居陰初六以柔居剛位  
皆不當上下相易各得其正豈不甚善但離上處下

不能出而有為雖有資有斧其何能快然于心哉

四本

互兌為悅與初易位則兌體不見故象不快

象曰旅于處未得位也得其資斧心未快也

旅人將以得位行道也今四與初應但僅有托處未

能得位也

不得位謂爵位以易初言與不當位有別

不得位則道不得行

雖居則具一日之積行則備一夕之衛豈其心之所

快哉

六五射雉一矢亡終以譽命

射食亦切

此與上九兩爻合之以釋旅小亨之義即彖傳柔得中乎外而順乎剛也 六五柔中居尊亦旅行于外者但天子不可言旅故以出獵明之卦中互兌為秋互坎為冬秋獵冬狩正農隙講事之時也離為雉又為矢坎為弓艮為手巽為進退以手持弓矢進退于離雉之下射之象也夫雉一而已則射雉之矢亦一而已以一矢之遺而遂能洞乎其胸穿乎其臆使雉亡而不見是非能順乎上九之剛剛柔相易曷能至



此五上一易離象不見故曰射雉一矢亡故當其始出于外也以柔居

剛雖不能无射雉之勞而及其終之柔易乎剛也此終

字與終无尤終字皆卦終以已之中正應下之中正之終皆指五之順剛言

不但以此得美譽于臣工并以此得休命于天下譽命

俱指六二二多譽是何如之旅也而謂其僅童僕之

得已哉

象曰終以譽命上逮也

上逮二字諸講皆謂五之及二无一謂上九者以上

九之辭未善耳不知上九當旅之時所居固不善不得以五上之相易五亦不善也况譽命均屬二五柔二亦柔无相應之理五曷能以此得譽命哉爻云終以譽命者以五順上之剛上以剛逮于五五與二剛柔相應故也

上九鳥焚其巢旅人先笑後號咷喪牛于易凶

號戶羔切咷道

羔切易音亦

上九亦旅行在外者以炎上之極而下有重剛之應

此非旅人所宜也蓋人之覓宿如鳥之覓棲以離之

雉鳥方以巽木離虛之處為巢以托迹

巽為木為高互離為中虛

以高木而虛其中故有巢象

而忽被以離火之熾巽風之揚其為

焚也決矣上九之焚其次何以異是且旅人親寡非

同人之相親可比也同人相親尚或先號咷而後笑

則夫旅人親寡縱或先笑後亦必號咷其理然其象

亦然也

三五互兌以口向上為先笑二四互巽以口向下為號咷

或以上居位不

正與五交易為可得處旅之道但旅人貴卑尤貴順

今上九勢已處于至高而復以相易之故變離為坎

喪失其牛之柔順而不知

離為牝牛初四相易五上又相易變離為坎離牛不

見故曰喪牛于易

雖得正得應亦安能遽免于凶哉

象曰以旅在上其義焚也喪牛于易終莫之聞也

此爻與小亨正相反旅人之道宜卑而不宜亢宜柔而不宜剛今上九以旅人而在于最上自高者物莫之與揆之于義必至于焚也雖五上相易變剛為柔或冀其聞夫處旅之道无如相易而至于喪牛終以

坎耳之痛而莫之聞也

四初五上皆易卦變為坎坎為耳痛故曰莫聞摠之

以旅在上為非宜耳

周易辨畫卷二十九